

Na osnovu čl. 19. stav 4. i 32a. Zakona o državnoj službi u institucijama Bosne i Hercegovine ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06 i 32/07), Agencija za državnu službu Bosne i Hercegovine, u ime Granične policije Bosne i Hercegovine, raspisuje

**OGLAS ZA INTERNI PREMJEŠTAJ
državnog službenika u Graničnoj policiji BiH**

Uprava za administraciju

Odsjek za poslove nabavke i logistike

1/01 Šef Odsjeka za poslove nabavke i logistike

Opis radnih zadataka: Neposredno rukovodi, organizuje i objedinjava rad Odsjeka za nabavku i logistiku; obezbjeđuje zakonito, pravilno i blagovremeno izvršenje poslova iz nadležnosti Odsjeka; prati stanje i analizira materijalno-tehničku opremljenost organizacionih jedinica Granične policije; daje stručna tumačenja i stručna uputstva u cilju jedinstvenog provođenja i pravilne primjene zakona i drugih propisa koji uređuju pitanja koja se odnose na sredstva za materijal i usluge, programe posebne namjene i kapitalne izdatke Granične policije; učestvuje u pripremi i izradi programa posebne namjene Granične policije; stara se o blagovremenoj nabavci, skladištenju, čuvanju i održavanju materijalno-tehničkih sredstava (MTS) Granične policije; učestvuje u pripremi realizacije izgradnje objekata; učestvuje u obezbjeđenju smještajnog i radnog prostora organizacionih jedinica Granične policije; izvršava i druge poslove koje odredi načelnik Uprave za administraciju i za svoj rad odgovoran je načelniku Uprave za administraciju.

Posebni uslovi: završen fakultet društvenog ili tehničkog smjera, pet (5) godina radnog iskustva.

Broj izvršilaca: jedan (1) izvršilac.

NAPOMENA VEZANA ZA USLOVE KOJE KANDIDATI MORAJU ISPUNJAVATI:

Pored posebnih uslova kandidati moraju zadovoljavati i opšte uslove propisane članom 64. Zakona o državnoj službi u institucijama Bosne i Hercegovine, te moraju imati položen javni ispit, stručni (upravni) ispit, ispit opšteg znanja ili ispit koji odgovara tom opisu, odnosno ispunjavati uslove za oslobađanje od obaveze polaganja javnog ispita.

Na ovaj oglas mogu se prijaviti samo lica zaposlena kao državni službenici u Graničnoj policiji BiH.

Napomena za sve kandidate:

- Komisija bira kandidate na osnovu podataka iz prijave, kao i znanja i sposobnosti pokazanih na stručnom ispitu koji se za kandidate prijavljene na oglas za interni premještaj sastoji od intervjua.
- Kandidati se o obavještavaju o mjestu i vremenu održavanja intervjua isključivo putem službene internet stranice Agencije za državnu službu, gdje se i objavljuje oglas, od kada i teče rok za podnošenje prijava.
- Pod radnim iskustvom podrazumijeva se radno iskustvo nakon stečene visoke školske spreme.
- Kandidat koji bude prvi na listi uspješnih kandidata, odnosno koji bude postavljen na navedeno radno mjesto državnog službenika, po dobijanju rješenja treba instituciji dostaviti uvjerenje o nevođenju krivičnog postupka (ne starije od tri mjeseca), radi ulaganja u njegov personalni dosije.

Potrebni dokumenti:

ovjerene kopije: fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine); važeće lične karte; uvjerenja o položenom stručnom (upravnom) odnosno javnom ispitu; dokaza o traženom radnom iskustvu (potvrde, uvjerenja), popunjen obrazac Agencije za državnu službu koji se može dobiti u prostorijama Granične policije BiH ili na web stranici Agencije www.ads.gov.ba.

Sve tražene dokumente treba dostaviti direktno u pisarnicu Granične policije BiH u sjedištu najkasnije do 01.04.2008. godine, sa naznakom "Oglas za interni premještaj državnog službenika u Graničnoj policiji BiH", ul. Reufa Muhića 2-A, Sarajevo

Nepotpune, neblagovremene i neuredne prijave, kao i kopije tražene dokumentacije koje nisu ovjerene, neće se uzimati u razmatranje.

Marta 2008. godine

**DIREKTOR
Jakob Finci**